

ЎЗБЕКИСТОН РЕСПУБЛИКАСИ МАРКАЗИЙ БАНКИНИНГ  
“ДАВЛАТ БЕЛГИСИ” ДАВЛАТ УНИТАР КОРХОНАСИ

“Тасдиқлайман”

“Давлат белгиси” ДУК

Бош директори

 А.Х.Хамидов

«12» декабрь 2023 й.

“Давлат белгиси” давлат унитар корхонасида монополияга қарши  
комплаенс тизимини жорий этиш ва унинг ишлаш тартиби тўғрисида  
НИЗОМ

Хужжатни амал қилиш муддати: “12” декабрь 2023 йилдан “12” декабрь 2027 йилгача Узайтирилди _____ 20__ й.гача	Ҳолати <input checked="" type="checkbox"/> Амалдаги <input type="checkbox"/> Эскирган	Тахрир _____ Нусха рақами _____ (хужжатларни юбориш вақтида хужжатлаштиришни бошқарувчи жавобгар шахснинг имзоси) 
--	---	---

“Давлат белгиси” ДУКда монополияга қарши комплаенс тизимини жорий этиш ва унинг ишлаш тартиби тўғрисида  
Низом

## Умумий қоидалар

1. Мазкур Низом “Давлат белгиси” давлат унитар корхонасида монополияга қарши комплаенс тизимини жорий этиш, унинг фаолият юритиш ва мониторинг қилиш тартибини белгилайди.

2. Мазкур Низомда қуйидаги асосий тушунчалардан фойдаланилади:  
**монополияга қарши курашиш органи** — Ўзбекистон Республикаси Рақобатни ривожлантириш ва истеъмолчилар ҳуқуқларини ҳимоя қилиш қўмитаси ва унинг ҳудудий бошқармалари;

**монополияга қарши комплаенс** — фаолиятнинг рақобат тўғрисидаги қонунчилик ҳужжатларига мувофиқлигини таъминлаш, ҳуқуқбузарликлар хавфини аниқлаш ва уларнинг олдини олишга қаратилган ички ташкилий чора-тадбирлар ва таомиллар тизими;

**монополияга қарши комплаенс тўғрисидаги ҳисобот** — корхонада рақобат тўғрисидаги қонунчилик ҳужжатларига амал қилинишини ташкил этиш ҳақидаги ахборотни ўз ичига оладиган ҳужжат;

Монополияга қарши комплаенс тузилмаси.

**савдолар** — товар ва хизматларни харид қилиш ва сотиш билан боғлиқ бўлган таомиллар, шу жумладан, электрон савдо таомиллари.

3. Қуйидагилар монополияга қарши комплаенс тизимининг асосий вазифалари ҳисобланади:

рақобат тўғрисидаги қонунчилик ҳужжатлари талабларининг эҳтимолий бузилиш хавфларини аниқлаш ва баҳолаш ҳамда уни бошқариш;

корхонада рақобат тўғрисидаги қонунчилик ҳужжатлари талабларига мувофиқлигини таъминлаш ва мониторинг қилиш;

корхонанинг фаолиятида рақобат тўғрисидаги қонунчилик ҳужжатлари талаблари бузилишини ҳамда раҳбарлар томонидан ўз вазифаларини бажариш жараёнида рақобатга зид хатти-ҳаракатлар амалга оширилишининг олдини олиш;

корхонада монополияга қарши комплаенс тизимини ишлаш самарадорлигини баҳолаш ва таъминлаш;

“Давлат белгиси” ДУК ходимларида рақобат тўғрисидаги қонунчилик ҳужжатлари талаблари бузилишининг олдини олиш ва мунтазам равишда ушбу йўналиш бўйича уларнинг малакасини ошириш юзасидан ўқитиш йўли билан рақобат тўғрисидаги қонунчилик ҳужжатларига доир фикрларини ривожлантириш.

### Монополияга қарши комплаенс тизимини ташкил этиш

4. Монополияга қарши комплаенс тузилмаси қуйидагиларни амалга оширади:

рақобат тўғрисидаги қонунчилик ҳужжатлари талаблари бузилишини мониторинг қилиш;

фаолиятга тегишли материалларни таҳлил қилиш (шу жумладан, рақобатни ва (ёки) истеъмолчиларнинг ҳуқуқ ва манфаатларини чеклайдиган нормаларни аниқлашга қаратилган ички ҳужжатларни хатловдан ўтказиш), аниқланган камчиликларни бартараф этишга йўналтирилган чораларни ишлаб чиқиш;

рақобат чекловларини келтириб чиқариши мумкин бўлган омилларни аниқлаш ва уларни бартараф этиш бўйича таклифлар ишлаб чиқиш;

монополияга қарши комплаенс тизимининг фаолият юритиши билан боғлиқ масалалар бўйича бошқа тузилмавий бўлинмалар билан ўзаро алоқаларни мувофиқлаштириш;

рақобат тўғрисидаги қонунчилик ҳужжатлари талаблари бузилиш билан боғлиқ ички ўрганиш ишларини ташкил этиш;

монополияга қарши курашиш органи билан рақобат тўғрисидаги қонунчилик ҳужжатлари талаблари бузилиши бўйича ўзаро ахборот алмашиш;

рақобат тўғрисидаги қонунчилик ҳужжатлари талабларининг бузилиш хавфларини камайтириш мақсадида бир йилга мўлжалланган “Йўл харитаси” ни ишлаб чиқиш ва амалга оширилишини таъминлаш;

рақобат тўғрисидаги қонунчилик ҳужжатлари ўзгаришларни мониторинг қилиш, шунингдек, идоровий ҳужжатларга тегишли ўзгартиришлар киритиш юзасидан таклифлар киритиш;

рақобат тўғрисидаги қонунчилик ҳужжатлари талабларининг бузилиш хавфларини аниқлаш, хавфлар билан боғлиқ ҳолатлар ҳисобини юритиш ва юзага келиш эҳтимолини белгилаш;

корхона фаолиятида рақобат чекловларини келтириб чиқариши мумкин бўлган манфаатлар тўқнашувини аниқлаш, уларни бартараф этиш бўйича таклифлар ишлаб чиқиш;

корхона ходимларига рақобат тўғрисидаги қонунчилик ҳужжатлари талабларига амал қилиш билан боғлиқ масалалар бўйича маслаҳатлар бериш;

монополияга қарши комплаенс масалалари бўйича мунтазам равишда тренинглар ўтказиш;

корхона томонидан қабул қилинадиган ҳужжатларнинг лойиҳаларини ўрганиш ва рақобат тўғрисидаги қонунчилик ҳужжатлари талабларининг бузилишини келтириб чиқариши мумкин бўлган нормалар аниқланган тақдирда, бу ҳақда раҳбарни хабардор қилиш;

корхонанинг Қоғоз, Босма фабрикалари ва Зарбхонасида ҳамда тегишли таркибий тузилмаларда монополияга қарши комплаенс тизимини жорий этилиши ва самарали фаолият кўрсатишини ташкил этиш;

ҳар йили биринчи февралга қадар монополияга қарши комплаенс ҳақидаги ҳисоботни раҳбариятга тасдиқлаш учун тақдим этиш.

Монополияга қарши комплаенс тузилмаси бевосита корхона раҳбарига бўйсунди ва ҳисобдор бўлади.

## **Рақобат тўғрисидаги қонунчилик ҳужжатлари талабларининг бузилишини аниқлаш**

5. Корхонада рақобат тўғрисидаги қонунчилик ҳужжатлари талабларининг бузилиш хавфларини аниқлаш мақсадида Монополияга қарши комплаенс тузилмаси томонидан қуйидагилар амалга оширилади:

рақобат тўғрисидаги қонунчилик ҳужжатлари талабларининг бузилишига ёки бозорда рақобатни чеклашга олиб келадиган нормалар ва қоидаларни аниқлаш мақсадида норматив-ҳуқуқий ҳужжатларни ўрганиш;

жорий этиладиган янги чекловлар, рухсат бериш тартиб-таомилларининг янги турлари, лицензияларни, шунингдек, рухсат бериш хусусиятига эга ҳужжатларни ёки лицензияларни олиш учун қўшимча талаблар ёки шартларни ҳамда техник тартибга солиш талабларининг жорий этилишини ўрганиш;

тендер ва биржа савдоларига қўйиладиган монополияга қарши талабларга амал қилинишини таҳлил қилиш;

давлат харидларининг рақобат тўғрисидаги қонунчилик ҳужжатлари талабларига мувофиқлигини ўрганиш;

аниқланган рақобат тўғрисидаги қонунчилик ҳужжатлари талабларини бузиш ҳолатларини таҳлил қилиш;

рақобат тўғрисидаги қонунчилик ҳужжатларини қўллаш амалиётини мониторинг ва таҳлил қилиш;

рақобат тўғрисидаги қонунчилик ҳужжатлари талабларининг бузилиш хавфларини камайтириш бўйича ишлаб чиқилган ва амалга ошириладиган чора-тадбирлар самарадорлигини мунтазам равишда баҳолаш;

вужудга келиш эҳтимоли бўлган монополияга қарши хавфларни таҳлил қилиш ва уларнинг рўйхатини комплаенс-хавфлар харитаси кўринишида тузиш;

рақобат тўғрисидаги қонунчилик ҳужжатлари талабларининг бузилиш хавфларини камайтириш бўйича ишлаб чиқилган ва амалга ошириладиган тадбирларнинг самарадорлигини мунтазам равишда баҳолаш.

6. Рақобат тўғрисидаги қонунчилик ҳужжатлари талабларининг бузилиш бўйича аниқланадиган хавфлар ваколатли шахс томонидан мазкур низомга иловага мувофиқ даражалар бўйича тақсимланади.

7. Рақобат тўғрисидаги қонунчилик ҳужжатлари талабларининг бузилиш хавфларини таҳлил қилиш, аниқлаш ва баҳолаш тўғрисидаги ахборот монополияга қарши комплаенс ҳақидаги ҳисоботга киритилади.

## **Монополияга қарши комплаенс тизимининг ишлаш самарадорлигини баҳолаш**

8. Корхонада монополияга қарши комплаенс тизимининг ишлаш самарадорлигини баҳолаш бўйича асосий кўрсаткичларни ҳисоблаш

“Давлат белгиси” ДУКда монополияга қарши комплаенс тизимини жорий этиш ва унинг ишлаш тартиби тўғрисида  
Низом

монополияга қарши курашиш орган томонидан ишлаб чиқилган методикага асосан ҳисоблаб борилади.

9. Корхонада монополияга қарши комплаенс тизимининг эришилган асосий самарадорлик кўрсаткичларини монополияга қарши курашиш органи баҳолайди (йилда камида бир марта).

10. Корхонада монополияга қарши комплаенс тизимининг ишлаш самарадорлигини баҳолаш бўйича асосий кўрсаткичларга эришилганлиги тўғрисидаги ахборот монополияга қарши комплаенс ҳақидаги ҳисоботга киритилади.

### **Монополияга қарши комплаенс ҳақидаги ҳисобот**

11. Монополияга қарши комплаенс ҳақидаги ҳисобот қуйидагиларни ўз ичига қамраб олади:

рақобат тўғрисидаги қонунчилик ҳужжатлари талабларининг бузилиш хавфлари бўйича ўтказилган баҳолаш ишларининг натижалари ҳамда камайтириш бўйича чора-тадбирларнинг бажарилиши;

монополияга қарши комплаенс тизимининг асосий самарадорлик кўрсаткичларига эришилганлиги ҳақидаги ахборот.

12. Корхона томонидан монополияга қарши комплаенс бўйича ҳисобот корхонанинг расмий веб-сайтида жойлаштирилади ва уч иш куни ичида монополияга қарши курашиш органига юборилади.

Келишилди:

Бош директор  
ўринбосари

Ишлаб чиқди:

Ички аудит хизмати комплаенс-  
назорат бўйича бош мутахассиси



И.Қ.Анарбоев



Т.Х.Батиров